

四庫全書

集部

欽定四庫全書

五峰集卷六

元 李孝光 撰

五言律

天台道上聞天香

八月天台路清風物物嘉
晴虹生遠樹過雁帶平沙
日氣常蒸稻天香喜釀花
門前五株柳定是故人家

越州郡庠壁和顏氏子韻

歲月渺無涯居然鬢髮華乾坤難屢旦霜露菊猶花城裏鑑湖稻山陰日鑄茶東南好官守行子莫思家

送友人

依依涉野水渺渺渡秋陰短褐北風急布帆南斗深行酬丈夫願乃見故人心莫作長回首因風惠好音

挽朱西隱

清氣還天地英靈太颯然年尊幾耳順子孝自心傳星隕憂高士山顏惜大賢竹西有舊隱草木亦蒼妍

久客寄劉弘度

有客淒涼甚思家少定懽夜深知笛短秋半覺衣單積
水尊絲滑高田豆葉乾月明星露墜慎莫倚闌干

挽戴春澗

夫子不可作斯文又陸沈平生伊呂夢老去綺園心字
宙埋雄劍精靈護雅琴猶聞書萬卷自有鳳毛尋

其二

僵蹇經綸手俄殘兩鬢青人間夢霖雨天上失文星暗

咽看麟紱飄飄趨鶴翎文章能蓋世祇合自為銘

江心寺贈唐博士

銀浪舞輕航天風起石塘六鰲扶地勢萬象發天光樹
湧中流碧蓮生隔浦香潭龍莫深卧一雨九州涼

送薩郎中賦得新亭

登高望吳楚芳草滿汀洲離別安足念英雄翻百憂山
河吞故國江漢入秦州今日新亭飲因君感滯留

同徐仲禮劉方存在雁山作

北雁山前路扶藜上紫冥山空猿自語雲煖鶴初醒詩
妙驚天老琴靈畏瀑腥夜分蕭寺榻南斗下文星

代友人送于彥明之鄞

詩舸幾時發秋風海水腥雲分雁蕩路江繞蛭蜩亭天
府文星聚名山僧氣靈憑君道問訊無恙讀書螢

送裕上人歸儀興

行尋桂樹隱已與菊花期江水魚龍夕風高鴻雁飢獨
憐相見晚況復欲歸時楚雨楓林黑勞予入夢思

陪薩使君志能遊城西光孝院得茶字

入谷向亭午城門已集鴉風沙天易夕霜露菊猶花騎
馬尋修竹逢僧問煮茶江南有獨客日夜憶京華

送客

出門嚴鼓後送客入舟時已自傷羈旅令人畏別離江
蟠全楚地山掩小姑祠歲晏多風雪題詩寄所思

次薩郎中題鐵塔寺壁

平生謝太傅勝日得重臨地勢吞吳盡江流入楚深金

湯非舊國棟宇尚青林野露溥黃菊獨為遊子吟

東林寺

騎馬過東林當階入綠陰路斜瑤草合雲去落花深老去況獨立興來時一吟數來成故舊相對挽重臨

送郭仲方

莫作匆匆別人生易聚萍官船賢聖酒客帳短長亭恨不車生角毋為井墜瓶蕭齋清夜榻莫負讀書螢

送人

蟋蟀已在宇涼風吹角巾別離低壯士富貴改全人旅
食貂裘敝交遊白髮深蕭蕭一尊酒落日大江濱

次韻虞學士見寄

白髮眉山老玉堂清晝閒聲名滿天下翰墨落人間才
俊賈太傅行高元魯山獨憐江海客尊酒夜闌珊

匡濟

春風起天際遊子若為情多病仍羈旅令人白髮生山
連三楚壯地入九江平匡濟寧無術栖遲敢自名

送達魚善僉事

相逢九日裏更覺轉離羣倚杖看黃菊升堂望白雲天
星猶耿耿江水正沄沄勛業無勞夢平生有愛君

送王子安上淳安縣石峽書院山長

峽裏淳安縣深山樹學門野人尊俎豆遺老識罍樽茅
屋依山闕桃花入水源山中便靜者官秩未須論

癸酉元日前一日歲除立春

昨日春有信今晨春已深江梅闕白玉湖柳帶黃金作

室兒孫計收書父母心登樓看萬象此亦足清吟

寄勞干彥明自吳歸

去及花時發來逢暑雨沾樹涼人憇午江熱馬行鹽不
畏黃金盡祇愁白髮添君看雙燕子隨意入人簾

冬至日用文字韻

宮中五色線刺繡補天文辰次星珠合郊嚴羽葆紛隆
平今有象麟鳳動成羣共仰堯天日仍書魯觀雲

留侯

感慨留侯事曾來客下邳
手扶仁義主身是帝王師
興漢功居最存韓志可悲
如何劫高后反使卯金危

寄夏友伯

長憶浣花宅醉君雙玉瓶
春風吹白髮山雨隔青燈
臥病從無客居閒欲似僧
何時溪上路倚杖看魚罾

梅邊別墅小酌五人

春色已可愛溪桃花始繁
却憐京兆騎來問武陵源
山暖蒸花氣泉清露竹根
羣公招小飲文字得重論

次相國魯公鍾山韻

上邑垂虹帶祈僧孕素靈井沈龍虎氣岡斷鳳皇形地
勢通句曲江源異建瓴懸車南斗下自有老人星

送人

天上迴麟鳳人間下使星相看愧弭節欲發盡揚舲喜
氣通烏鵲平安報脊令韋家有近集送酒玉為瓶

贈能仁寺建禪師

坐此山水僻亂趨麋鹿羣茶香隣屋借芋熟騎童分湖

淤魚成葑山高常有雲禪師識道理杯酒得論文

送張子約

擊缺高歌裏丈夫輕別離雞鳴裏行橐燈暗覆殘棋行
矣復何適嗟哉我所思且歸慰妻子莫學五羊皮

次薩使君道林寺僻

詩妙人皆誦才高世不容舊題經在眼新別憶聞鐘市
遠依春樹川明見石春南風洲渚靜幽窟閤魚龍

秋岑

更覺秋岑碧能尋勝日躋樹深來鵲鶴山斷見虹霓釋
子行相問幽人去不迷雨餘天燒出吾欲陟丹梯

用韻呈真人

燈明高閣裏今日重論文歲晏尋黃獨雲生嘆白分省
書當益友把酒畏離羣為客近長至登臺候彩雲

遠山

樓前萬里月窈窕碧峰孤江上自濃淡雲間疑有無行
人穿亂樹落日界平蕪佇立有真意陰陰鳥自呼

綠水

青春足新雨，漪綠上魚磯。
積翠疑搖眼，拖藍欲染衣。
雲行天影動，風颭日光微。
佇立無人見，沙禽背艇飛。

自和寄陳良友

向來詩律近庾謝，不枝梧笠子從前。
瘦梅花未可孤，更憐冬夜寂寧覺壯心無。
煖日令人喜，還勝滿眼沾。

代送靳尹

謾說休官去，恨公獨見幾。
玉簫和客恨，黃菊待人歸。
詩

屋天圍座官船月上衣門前五株柳樽酒莫相違

次王宣政園亭

復過高陽社還同北海尊池開搖倒影未落見孤根愛
日窺南戶春風在北園老翁工種德庭下鳳毛蕃

題元鎮畫古木寒林

冬氣漸閉密萬物亦歸根歲晏龍蛇蟄山深雪霰繁物
理不終剝上天諒何言春風一朝至清陰被萬軒

次薩使君題暢曾伯都事幽居

四海暢夫子時歸學灌園兒童散書帙者舊識壘樽移
竹須逢醉刈葵休斷根升堂定何日凍酒為余溫

何處難忘酒

何處難忘酒飄零祇自傷狂歌搔白首多病在他鄉秋
雨思魚鱸青天看雁行友于深寄意加飯願身強

五馬呈昂夫大尹

五馬何時發聊逢勝日留天晴占鼓角地濕謹衣裘願
試匡時畫歸余理釣舟浮雲浩今古別地望神州

五峰集卷六

欽定四庫全書

五峰集卷七

元 李孝光 撰

六言

江邊

江邊古樹猶碧天際白雲自流七十二灘浩蕩夕陽照
見孤舟

題鶯嚶上林圖

臺榭東風婉婉池塘綠樹陰陰有箇黃鸝飛入一驚衆
鳥皆喑

雪晴

雪乾玉飣初香月瘦珠胎猶小開門不見臞仙白鶴橫
江清曉

池上李花

天寒古雪逾碧月落行雲未歸孤鶴橫秋清曉仙翁顛
倒裳衣

五言排律七首

山陰縣學文會用杜詩分韻予得春字

淮南樹北縣為政屬賢人
黌舍陳籩豆初筵集縉紳
酬賓更盥爵敬老有重姻
相見修容盛還驚禮教新
湛露沾清夜泮水照芳春
但願崇明德盟雞庶有鄰

王都事仲能書巢

頻過三槐宅湖水帶階除
儲書向籀閣為知類輟車戶
牖綢繆後標枝偃伏初
大壯除風雨文字起龍魚
有虞

謝巖室遷史羨蕭居無煩猷儉樸堪容萬卷書

陪薩使君飲酒鉄塔寺分題得鐸龍軒分韻得而

字

琅玕盡靈種玉立近東池已與風雲會終含冰電姿氣
酣猶鼎負鱗動覺之而雨暗思雷澤天清入葛陂鳳毛
當戶見蛇影倒杯疑神物煩呵護應看變化時

去病秘丞趙君涼國公子也

四世三公重承恩自主知清官守圖籍華省近論思英

聚懸車後斑衣致養時更聞紫霄願魚領白雲司玉節
光先起金閨步不遲世知麟趾貴人喜鳳毛垂嵩岳生
祥瑞朝廷樹羽儀于門種陰德庭下見佳兒

竺雲為曇山人作

雲來自西極胎蕩復委蛇影度流沙曉峰臨驚嶺奇從
龍飄婉轉觸石起參差光擬鳳毛紫清同玉葉垂芙蓉
連華岳綺藻映天池五色生祥瑞賢人懷羽儀

玄冬館飲酒分韻得衝字

良朋謝悵悵仙賞屬玄冬野濶梅將發山乾雪不封生
萋近芳節出日媚川容愁用詩滄浣寒憑酒折衝幽人
每多暇俗子自無悵聊以供娛悅詎知縻萬鍾

李子雲白雲圖

白雲如白月宛宛復離離青霓依澗出玉華映簷垂詎
聞飛花度還同病鶴窺分輝含戶牖倒影散園池近看
吁欲落佇立意俱遲坐卧常相對成峰晚更奇

五峰集卷七

欽定四庫全書

集部
五峰集卷八
十三

詳校官編修_臣翟槐

中書_臣劉源溥覆勘

總校官檢討_臣何思鈞

校對官中書_臣邱桂山

謄錄監生_臣詹師賢

欽定四庫全書

五峰集卷八

七言絕句

簫臺八景

雲門福地

古帝南巡事已非
土階茅屋尚依依
夜深月底吹簫去
度得雲門一曲歸

元 李孝光 撰

蓋竹洞天

蝙蝠翻雲似白鴉
石林玉氣亂晴霞
山中雞犬應相笑
溪上紅桃幾樹花

雙瀑飛泉

雨洗天根雲洞幽
黑蛟飛電舞長湫
只應壯士思酣戰
組練相銜夜不休

蕭臺明月

山月崢嶸露玦環
石樓香冷白雲閒
玉簫吹裂階前竹

騎鶴仙人去不還

白鶴晨鐘

風約疎鐘下窈冥
天南曙月颭飛星
馳鳴閭闔聲起
老鶴巢深夢未醒

紫芝晚磬

蕭蕭清磬出雲遲
月死空林日氣微
重過紫芝山下路
壞垣燈火照人衣

東塔雲烟

海月四更移塔去天風萬里擘松開烟銷日出無人到
獨自看雲山上來

西岑松雪

山上行人如凍蠅西崖日出淡青熒太陰積雪草木縮
留得孤松長茯苓

雞啼

堯舜文章如混沌準夔禮樂鑿崆峒雞鳴天地如夢醒
日出扶桑照海紅

白髮

半夜雞鳴非惡聲攬衣起舞若為情鬢邊白髮三千丈
總為憂君憂國生

六月初十日雨止月出坐大桂樹旁西風先秋

軟玉衣裳翡翠環暖笙初學鳳綿蠻廣寒宮闕西風緊
一夜天香滿世間

得故人書

風前一紙故人書上說相思下起居却道梅溪新事業

金少曰
卷八
聲名全勝紹興初

題牧牛圖

郭經厓

牛下平生笠與蓑
月明奈此北風何
阿童吹笛無人問
中有南山夜半歌

春風

春風隨處作春晴
楊柳依依綠未成
昨夜池塘新雨足
蛙聲剛亂讀書聲

石門觀瀑

神龍捲海上青天萬斛明珠亂後前天下蒼生望膏澤
試將霖雨作豐年

過釣臺

赤龍已挾故人飛却愛清江理釣絲入覲匆匆謀去就
當時猶悔見機遲

農事

落日蜻蜓處處飛
槿花門巷豆花籬
行邊野老問農事
稻雨濕衣香未知

天台道中聞天香寫贈胡仲賓

萬斛天香夜氣收
曉風涼月釀清秋
詩人試與評花品
定是人間第一流

送李仲羽歸江東因寄伯循御史

江中八月雨如烟
去買徐州送客船
采石山頭送李白
身騎明月上青天

二

使者新從南海歸
囊無薏苡獻慈幃
自聞徹外開龍節

頗憶江頭把錦衣

三

扁舟便擬下姑熟
恰值先生不在家
杖策過從王御史
城南寺裏看黃花

春風狂甚漫成

為語春風莫太顛
請函封事上皇天
密轉洪鈞生衆物
莫吹急雪壞豐年

次朱希顏韻

士當未用思見用不見南山夜半歌跼蹐黃塵赤日下
翻思幽谷弄春蘿

送周良臣上湖州幕兼寄希顏

日晏黃堂報起衙緣溪騎馬看桃花
莫翻墨汁塗春水
篆籀成文散碧紗

二

建業水惡不可飲瓢泉最美憶湖州
亦欲因君乘舴艋
故人正住雪溪頭

正月戊子夜大雨

偏方未覺春寒盡驟暖先疑雨氣生一夜東風弄雷電
攬衣起坐數三更

二

昨夜水淺雀兒浴今日薰行萬斛舟人生有時曾稱意
請看秦淮新水流

送蔡飛卿之維揚

眼底閱人如過雨傳來家法祇論心老翁曾對明光殿

大笑時聞趣賜金

二

送君直渡秦淮水
風急桃花飛過江
自有行人回首處
昇州山色滿船牕

題聚乘圖

收拾蘭蓀棄棘鍼
銅瓶活水注深深
國香不與凡花並
要見平生國士心

宿緱山侯氏宅

海東月明九萬里照見山頭白鶴還竹几匡牀清似雪
不知門外是緱山

贈靈岩秀禪師

北林日午煖如烘盡日溪行曲折中自愛敲冰看魚上
山頭樹影落溪紅

二

密室都無霜露氣壁間看此一枝筇平霞龕底論文酒
未信闌黎飯後鐘

時思菴通求頌一源

家住雁峰南復南
碧寥飛雪下晴潭
曹溪一滴無多子
要向源頭活處參

通之弟成求雪屋頌

倒挽天河轉翠微
玉虬鱗甲滿天飛
道人結屋東邊住
愛看晴花不掩扉

偶書所感

鐘鼎山林易地難
丈夫出處正相關
繡鞍大馬都門道

却憶西樓看碧山

擬西軒栽竹

寬築牆圍小築園多栽修竹倚晴軒
我無一點容心事
養取清高遺子孫

清明日郊行

清明處處麥風斜
詩老得閒長在家
遠樹小村千瓦雪
不知落日上梨花

寄張顏樂

燈前秋雨白沈沈
慎莫思家恐損心
夫子宫南木樨樹
有誰沽酒喚君吟

洗佩小刀

鱗甲青瑩紫蝕低
猶能夜夜吐虹霓
自從洗出雌雄劍
橋下蒼龍不敢啼

白菊

予讀古人咏白菊詩
不愜予意繼作二首

香無邪氣素無緇
傲殺清霜死不哀
誰遣白衣來送酒
到令魂魄遠東籬

二

昨夜西風吹汝寒，幽香楚楚玉鱗鱗。
平生屈叟嫌儂醉，不放衣裳染麴塵。

贈胡仲賓

九月風多短褐單，劍光抱月忽飛還。
人言華頂峰前路，正在白雲飛處山。

十月羣飲茅屋

茅茨十月煖如烘，慰破南枝凍蠟紅。
政恐無人共料理，

却將詩句惱天翁

題丁憲使琴鶴圖

七尺孤桐十萬師清風凜凜洗瘡痍詞高調古無人識
惟有千年老鶴知

又題其四知圖

人間私語如雷動暮夜如何可受金政坐當年輕取友
故人不是不知心

微恙而懼聊自嘲

安卧書巢讀父書較量伏臘又羸餘讀書未必能成癖
伊傳諸公也太臞

望西北羣山

青處模糊白處多西山無奈白雲何詩人入細平章過
翻作岐陽石鼓歌

送輔賢出山作

儒官不畏簡書催拄杖休驚石上苔行到水窮雲起處
路從四十九盤來

二

路從四十九盤來樹底看雲首獨回客裏不知身是客
向人猶愛話蕭臺

張顏樂詩集後

蚤歲蜚聲入紫庭暮年白社共傳燈香山句法無多子
可使兒童老婢聽

送人

江上晚山無數青行人草草似流萍水邊燈火江船發

五十長亭第一亭

次薩使君韻

烏几繩牀詩夢熟驚聞風雨欲翻江
酒醒憶是長蘆寺
半夜松聲繞北牕

二

大江北岸望南岸山色微茫似破罾
石馬麒麟竟何有
南公空說晉諸陵

三

使客匆匆感歲華
杏花消息又桃花
江南佳麗春風見
柳絮樓臺十萬家

四

江氣蕭蕭如過雨
起看北斗挂船頭
猶憶前年稱使客
卧聽笳鼓入揚州

李遵道山水使面為董仲證題

銀河飛來挂絕壁
下有長江徹骨清
謫仙騎鯨上天去
應向山頭吹玉笙

新月

光中新見仙人跡
桂樹初生影未濃
仰望青天如止水
西頭一辨玉芙蓉

贈潘九霞

道士自稱潘九霞
身騎黃鶴大如車
借我北牕眠一夜
酒醒共喫白丹砂

九霞聽松圖

不到茅山又五年
煮茶更試碧雲泉
山中百事使靜者

惟苦松聲攪醉眠

夜夢老人身長而我冠自稱住釣臺僕意其為嚴
子陵居旁者曰此朱元晦也夢中作詩遺之既
覺猶能成誦

赤龍飛起九天開緣底先生住釣臺昨夜月明烟水濶
白鷗飛去又飛來

東古元端上人

竹扉花牖雨聲新一榻清風不著塵石笋山中舊時客

幸來相就說前身

牧牛歌

錦襠觸破死生機
歲月如流未得歸
慚愧情人遠相訪
阿童惟有一牛衣

謝人送鹽

淡飯粗茶藜苋腸
父書萬卷菜根香
知君端是調羹手
遣送山人味最長

趙都監梅

一度來時一度看
白鬚人立月闌干
先生定有歸來日
要索夫君話歲寒

過王貞婦廟

山下江流幸自清
山頭明月已無情
此心若愧王貞婦
莫向清風嶺上行

寄朱希顏

江邊鴻雁下年年
客子何由兩鬢玄
七十二灘秋月白
荻花風落釣魚船

二

城中擊鼓雨淒淒舟子牽船上惡溪回首意中人不見
兩邊楓樹郭公啼

懷薩使君

城上烏啼欲閉門蕭蕭風雨又黃昏
無端畫角連雲起鐵鑄梅花也斷魂

二

二月江城未見花笛聲嫋嫋起誰家
曲中大半傷離別

金步日人全書
卷八
馬上無人寫琵琶

三

門前杏樹高過屋常說開時倒一樽不道花開君作客
暖風晴日與誰論

四

二月已過十五日北牆梅花猶未開今日開門花滿樹
頗憶共君銜一杯

五

月子纖纖青海頭使君昨夜過揚州城中高髻瓊花曲
去聽吹簫何處樓

祠宇觀登樓

先生長出訪丹砂去入何宮道士家不是山南即山北
款門先覓看黃花

二

鳳凰臺前看明月姓字從此落人間西風昨夜吹庭樹
又逐閒雲過別山

三

祠宇觀前劒茯苓偶登高閣眼為青西南到江三百里
只似案頭雙硯屏

舟過吳江

十五女郎可憐生牽挽百丈踏泥行洗脚上船歌白苧
春風吹過闔閭城

二

二十四番花信老溪頭紅減綠初肥東君也是多情思

盡日扶持柳絮飛

三

寒山寺裏風雨橫柳下爭來繫客船
後到官船鉦鼓急却驅人出索人牽

懷薩使君

人到中年畏別離
況逢多病轉相思
夜深風雨滿高竹
自起挑燈讀寄詩

題敬仲古木

高鸞不下尚輪囷百尺龍門半死生裁製仙禽酬素賞
清風流薄夜啼聲

觀鏡芬陀室

老夫問訊芬陀室人與華芬久自薰波利城中君到不
熱香長是逐風聞

題斷江雪詩

老翁忍寒作寒語寧知願作冷秋蓀今日張詩向素壁
只如悵見北風圖

辨妙明善蘇帖

學蘇未有能酷似品第空門入妙神妙明寺裏雜花苑
百贗忽然逢一真

題山谷遣姚青帖

君看用意到履屐得似先生始識仁霽月光風奈何許
分明茂叔一流人

華山圖

山頭夢覺三十年大笑騎驢踏紫烟後世兒孫盡仙骨

斷除烟火學神仙

二

紫髯綠髮如飛仙
白驢偷喫種芝田
二月三月春氣盛
山頭桃花紅入天

萊上人弱水頌

豈無船筏奈君何
生怕無風水自波
碧海倒流三萬里
手提明月上銀河

次韻薩使君雜咏

扣門人至從題鳳
寫字誰憐可博鵞
獨露亭中未歸客
懶閒成癖奈詩何

二

吳姝彈箏向秋月
錦韉裏恨覓題詩
東鄰醜婦持門戶
不願蛾眉映匏犀

三

烏衣更無王謝宅
青山好在仲宣樓
南堂明月無人管
清簟疎簾夜夜秋

四

僧學蜜蜂開牖戶
山中八月未知秋
銀牀正換養花水
屋上一聲黃栗留

五

明月相窺憐我瘦
幽雲不動妬僧閒
病餘無力看賓客
獨露亭南數碧山

六

秋來野水亦已落
行過女牆悲古苔
西日正闕
鷓鴣起

北風頻兼鴻雁來

秋江晚渡

散髮卧看江水流
蕭蕭天地一孤舟
白蘋紅蓼斜陽外
短笛偏生喚客愁

陪觀志薩天錫二使君遊城西光孝寺

客子知寒歸未歸
北風鴻雁又南飛
東家借馬看黃菊
頭白山僧開竹扉

石竹

題胡元中
石竹春

山上白雲如白茅夜寒玉氣漸應高春風吹碧琅玕了
清曉西池看鳳毛

次薩郎中送蕭御史韻送薩郎中

樓上吳姬唱竹枝東風正急紙鸞飛客遊先自無聊賴
況是離人作惡時

十月庚申登舟口號

北風大浪依舟楫暫出歸來詩滿篋家人急遣筍輿迎
雁山一路看紅葉

老鶯

千絲影裏一梭金
織得閒愁滿綠陰
花外不知春已去
綿蠻猶自語芳心

歸樵晚渡

老翁住向溪西崦
日暮溪南拾墮樵
喚得鄰家人打渡
停舟更看碧嶢峣

次崇禧真人徐景周韻送茅山鎮長馮秦卿

與君遊久最知我
借問誰能似我閒
即買扁舟過淮去

舒州城上望鍾山

從開元寺怡光長老覓茶

跣跣黃塵赤日裏終慙觸熱到人家病起頗思茶破悶
願從君覓雨前芽

四月二十九日泊舟姑蘇臺下入城舍烏鵲橋南
姑蘇臺下牽船過烏鵲橋南見月生三更五更風露墮
誰家長笛故園情

希夷子睡圖

戶外春風作意顛落花如雪解漫天先生醉睡復醒睡
燕語鶯啼又一年

和薩郎中韻

繩牀小寐聽茶熟夢繞山風猶怒號詩來恰逢三日雪
興教寺前春水高

二

江上楊柳又青青雙槳復作鷺鷥鳴中流擊楫渡江去
半夜啼雞非惡聲

三

客子飄零歸未得但願美酒為消憂故人若問吾消息
好說周南正滯留

病起寄伯循御史

何言痛飲即吾師病覆壺觴亦廢詩客久自應甘寂寞
獨憐風雨打牕時

二

病起無聊帶減圍看花驚有未開枝主家十二樓中見

爛漫春風祇自知

題王士讓御史所藏畫卷風雨歸舟畫卷

天昏地黑蛟龍惡風雨如山擘不開舟中自有刺蛟手
笑殺舟師捩柁回

寒江獨釣

光光明月照青天青天落落江不連老翁未是尋常人
一絲能令九鼎重

古廟折碑

山下荒祠山上溪，繫牲斷石是誰題。
落日行人更回首，青楓樹裏鷓鴣啼。

送茂上人

五湖春水綠溶溶，兩岸花開鬪白紅。
欲買扁舟隨汝去，卧聽疎雨打南蓬。

二

楚雨綿綿暗五湖，稍看新水沒菰蒲。
湖中恐有隱君子，借問曾逢范蠡無。

三

二月狂風已不禁天籠大野日陰陰高齋一夜聽新雨
想見城東柳色深

灤湖之水九月流出江江水春長復入灤湖

洲渚日落雁相呼春風過雨亂菰蒲江水西來百餘里
一夜倒流還灤湖

病中

日夜東風相蕩磨故應地上落紅多更須病起能拈酒

可奈東池芍藥何

靜軒

靜中萬物見天機祇有春風關所知
盡日綠陰庭院裏閒看科斗上盆池

送陳輔賢上柳州興寧簿

阿兒有母阿兒飴請看林鳥哺母時
見說柳州好風土江魚入饌老人宜

和戴舜臣樓字韻

子房老去願封侯
庾亮平生獨上樓
百曲青山百曲水
詩人浩氣拍天浮

遊石梁戲嘲主僧

樹底秋聲樹杪苔
杖藜又過白雲堆
青山縱是無情物
解笑山僧厭客來

主僧曰予豈厭客者哉求予解嘲用前韻

山頭老樹碧於苔
脚丹楓繡作堆
慚愧山僧更解事
丁寧莫引俗人來

書岳法師屏

眼中有客久不見長見白雲成往還風著紙牕疑是雨
酒醒忽憶在南山

宿棠樹灣

棠樹灣西亂石砭蕭蕭落木見秋江漁郎擊楫悲歌意
不道風吹上客牕

雷裕之釣雪齋

一絲能令九鼎重江海廊廟皆有餘今日天嚴風斷渡

先生談笑膾鱸魚

書所見

八口人家麥未黃
白頭老婦色淒涼
青裙少婦事供給
土竈烟微薰菜香

江頭春日

江頭楊柳弄黃金
柳下春江綠已深
可見東風能富貴
吹將紅紫上園林

松石圖

怪底白虹成玉氣惟應麈尾影離離歲寒擬共青松說
交分寧無石友知

送上虞黃萬石作天台教

赤城本說是仙家雪白山青江隱沙點染秋霜烏桕樹
劉郎誤認是桃花

二

昔年曾向天台去走上瑤樓看日生跳出海波三丈許
始聞山下一雞鳴

題彭生小景

江邊落木蕭條後
百鳥皆生網罟悲
會有春風吹衆綠
飛鴻況托最高枝

次焦守贈天台老人韻

老翁教兒惟力田
兩兒扶翁才及肩
不知愁苦衣食足
何用離家師繼前

二

白髮高顙映秀眉
小兒竹馬大兒持
南風轉夏小麥熟

猶說身迎太守時

八馬

黃髮白面三尺筵八馬最憐黃馬良
勅號凌雲當玉輦
驚駘何意後騰驤

送江陰天壽觀吳清隱提點

仙法惟稱遠入山芙蓉城闕在人間
紅霞覆地無人見
惟有飛仙自往還

二

行年滿百漸輕強猶說長生却酒漿身在清都看下土
更嫌日月往來忙

和宗儒縣尹見寄

為別經年望已深惟思覲面寫丹心
高樓極目應千里
修綆寒泉有百尋

二

升高傾候有千回意倦隨人坐碧苔
忽報輶軒踰嶠過
急須杖策望塵來

賦樹下居

南溪南曲作屠蘇終愧古人樹下居綠陰十畝人稀到
惟有青天見讀書

二

跣跣黃塵赤日下每逢行處借僧居老夫衰甚畏群暴
欲受幽人種樹書

題放翁詩後

老翁行年幾一百畫舸長從鏡裏還想見揮毫向賓客

眉間豪氣鬱如山

竹林寺姚上人求月潭頌

月到天心無點綴
風來水面絕埃塵
寒山到此無人說
笑殺何由舉似人

題秋江送別

落盡桃花落杏花
曉風吹柳向西斜
玉闌干畔無消息
燕入尋常百姓家

次茂禪師寬字韻為鑑上人題蒙古御史墨竹

借問誰家庭院寬
春風喚起玉千竿
客來看竹無人識
獨自吹笙跨鳳鸞

次薩使君六合詩韻

瞿塘雪解水初迴
浪觸金山怒轉雷
惟有詩人天亦愛
迎船怪雨為君開

二

夢驅樞郎發船去
兩舷成與蛟龍撞
醒時呼童開戶看
月在青天天在江

用志能臺郎韻寄薩使君今為江南諸道御史臺

令史

駟駟傳疾趨烏府鳳凰曹貴拜清郎羣公幸自在霄漢
小子且可歌滄浪

二

金盡壯士安足惜酒多好懷聊復開昨夜東家借生馬
昇州高處望君來

為鄭自牧題梅花睡鵲圖

屋上朝來烏鵲語此生直可相隨飛月明星落春風起
應夢雙鬟翠袖歸

題外郎所藏楊補之梅卷其家有清白堂

孤影獨留明月在苦心賴有老天知君家世世能清白
爛漫春風雪一枝

題森綠堂

人言種德如種樹雨露百年初滿盈要識丈夫培養手
綠陰庭院讀書聲

高書記求為獨峰詩

曾到泰山山冢上四垂星斗白
纍纍天壇路絕無風雨
雷拱蛟龍飲石池

二

先生家近扶桑島獨上山頭見月生
碧海沈沈三萬里
仙人遙住白銀城

題劉商觀奕棋

局間袖手看人奕石爛海枯人不知
原是殺機生勝負

機心要看未生時

題李遵道枯木竹石圖

謫仙夜入雷電室捕得飛來石上梭却斫靈樞掛明月
橫吹玉笛上天河

次韻伯循御史登滕王閣見寄

春風一紙至窮檐客久祇令白髮添別地初驚花婉婉
歸時方見月纖纖

題錢生折枝圖枝以三折為一圖前山花其色白

中黃蜀葵末金沙花即長春也

天宮自是長春手白白紅紅錦繡圓一種赤心能向日
百花不敢闢光輝

白衣送酒圖

南鄰來饋五經酒東帶迎渠意甚真莫謂白衣田父耳
不妨元亮一流人

十二月十三日登鳳凰臺望淮南雪中諸山兼書
道上所見

雪花一丈欲齊樓人住鳳凰臺上頭雪隔淮南數千里
青山斷處是滁州

二

貂帽金鞵綠袴襦騎童自押小羶車黃金博得歌姬笑
却笑先生夜讀書

次梁有章韻

誰憐范叔老猶寒客裏兼旬酒榼乾天若無情天亦老
自調綠綺向君彈

干彥明新築南湖過而愛之

門前流水綠深深不著詩人此一吟
昨夜雨來添數尺
小舟莫動白鷗心

送澤南州遊四明

高秋送子四明去正見仙人開石牕
怪牒神經讀未徧
時逢白鶴下來雙

憶昇州學

至順三年夏予在昇州學官齋廬之西池水汗

漫而多芹藻菱茨龜魚禽鳥之屬兩鵝鵝時時
下之予又嘗與彥思置酒思樂亭上令僮僕下
求蓮葍還持大魚來二尺昇鼎堦下烹而飲酒
夜暑風雨涼甚追憶舊事因為二詩其一以遺
晉仲也鵝鵝復下否其一以遺伯羽公嘗與彥
思飲亦頗得大魚烹之否并貽諸君一笑

馬鬣誰翻酒一壺
階前平地化為湖
荷花菱葉應如拭
鵝鵝飛來定下無

其二

思樂亭前引酒壺
奴踏藕作養菹頗
哀老子無有設
又入荷花踏鯉魚

香鼎

香鼎茶瓶只自隨
先生有興只吟詩
偕居僧舍無書看
幸有東隣許一鷄

郭巨圖

自恨子驕分菽水
獨哀母老共羹藜
當時願叔黃泉策

應愧埋兒郭巨妻

懷薩使君

憎夜還聞蟋蟀吟
定知秋色上青林
坐看黃葉落四五
記得題詩入綠陰

其二

山雨蕭蕭到楚回
夜涼鴻鴈漸應來
題詩滿壁無人看
牆下玉簪花又開

宿嶧嶽間乘月登棗樹灣嶺下瞰大江洲渚明如

雪悵然懷古

野水蒼蒼霜滿衣
隔江欸乃雁南飛
江邊洲渚明如雪
恐是王郎訪戴歸

百雁圖

稻粱追逐不自飽
風雨急難從友于
雁行至性有如此
題作人間百子圖

自壽

小耳長髯高兩顴
自持青鏡照神仙
夢騎黃鶴飛繞日

手弄紫雲行補天

次張義侍郎思親韻

朝會簿書官有程又騎官馬過重城
鬢間白髮三千丈盡是愛君憂國情

其二

思親欲歸餽甘旨故鄉有時夢釣遊
老翁前日寄書到但言君恩許汝酬

其三

馬上雪花大如掌黃州詩律俱老蒼
紉衣女見手中線
進飯頗思魚在梁

其四

繡衣玉節遷文部眼底佳兒百不愁
小關還能致賓客
何妨老子住南州

觀駕壑船用文公韻

何人雲路駕飛船世上空傳汝濟川
今日休嗔山鬼笑
論功只合鎖荒烟

送謝仲連小關巡檢

承平已久桴鼓息事簡官清只煮茶山崦東西足僧寺
時時騎馬看黃花

二

將軍乃是謝博士旌旗渡海壓殊方丈夫豈止知文字
身試兜鍪鐵襖襠

送衛縣尹

秋風吹雨滴芙蓉下馬便看江上峰送者當歸船早發

縣中父老望官儂

其二

軒轅羽仗上雲霄
天上瑤臺絳節朝
桂樹陰陰明月出
畫屏西畔聽吹簫

靜軒卷

沈沈院落無人語
燕子歸來柳絮初
行繞東池日卓午
春風吹亂一牀書

紀夢中所賦

天高城郭散基梨日出草木抽金銀山上無泥莫憚遠
下溝路近泥沒輪

病中

化工弄春手未滑虛負幾番花信風自倚東園花未遍
故將小病惱詩翁

其二

憶騎竹馬戲階除忽漫人前號老夫病起又添新白髮
可能幾度問胡盧

道上

雙柳橋頭春水生微雲遮日起新晴春風千里廬江道
五馬東來入大城

十五日午次下邳是夜宿柘澤

白馬郎君著赭袍中興名將屬金刀將軍快戰人猶說
道上時時問柘澤

丙子五日雪

南土冬暄苦無雨今年春雪沒行車夜深戶外如月白

自起開牕讀漢書

其二

一舸真成貫月槎
乘風徑去渡天河
人間不用支機石
但乞天孫織錦梭

其三

廓野無人鴻雁靜
獨留明月在船牕
舟人若道河流急
雪夜灤湖流入江

龍潭寄孟季明

秦淮舟楫密如蟻長送行人北以南離別偏能生白髮
况逢風雨過龍潭

送馮秦卿

天下承平邊事少將軍卧治莫談兵公庭吏散無來客
自數階前撾鼓聲

二

山頭月落茅君過慎莫攄弓恐鶴驚馬上春風三十里
碧桃花下少人行

三

憶君共坐桃樹下
畫壁長廊貼彩旗
門掩落花聞玉磬
青眉道士學無為

從雪牕上人覓茶

蔗漿金碗定何物
啜茗哦詩正自佳
忽憶綠陰堂上坐
娑羅花影滿南階

瓊花觀

畫閣朱簾映小星
東風淡淡度重城
揚州十月如三月

却入瓊花觀裏行

送宋武臣尉安慶之桐城

令人作惡惟離別
今日江頭送客還
贏得秋風斜照裏
倚蓬滿意看青山

送王叔載上慈溪教

風流文采似深寧
高屐裁冠慰後生
自著仲尼稱祖德
前賢制作日星明

二

深寧學聖如朱子一代文章續六經自著河汾語王道
後園莫著草玄亭

題梅

木落山空衆草玄美人明月與為魂北風遮莫春消息
吹得雪多花更繁

送法璣首坐天則遊四明

僧來每說三山好獨乘舴艋過東湖育王寺裏風雨橫
投宿田家滿眼沽

二

鄖嶺山多蘊麗名曾宿山頭看月生照見齊州烟幾點
須臾山下一雞鳴

示郭奇童

奇童十歲事遊學五湖四海濶於天願兒拒戶習靜坐
黃卷中間面聖賢

題蘭

是誰識得幽花意解道風和輕重香月地玉階今寂寞

猶餘麗句斷人腸

送宋武臣之桐城

欲霜江氣已颼颼
鴻雁南飛木葉愁
好為故人連夜飲
平明笳鼓出揚州

用觀志能韻寄薩使君

杏花落後見辛夷
烈士無歌憶別離
春草池塘蛙吹早
斜陽巷陌燕歸遲

過賈元實宅

共過故人溪上宅春風野水欲綿綿先生半月無詩思
恐有新詩在雪邊

趙汝甫枯木竹石卷

中林黃葉淨汙汙眼底崢嶸見此君清曉東池看黃菊
鳳毛無數落春雲

姑蘇臺

閶門楊柳自春風水殿幽花泣露紅飛絮年年滿城郭
行人不見館娃宮

題拒霜鸚鵡

涼月紛紛露脚斜
守宮紅滴拒霜花
翠襟相向愁清絕
敢怨春風只自嗟

題桃花鸚鵡

祇因充貢貯金籠
自然能言入漢宮
眼底碧山歸未得
杏花歲歲屬春風

題觀奕圖

當機慎莫弄精神
黑白由來辨未真
笑殺臨枰爭勝負

輸他縮手袖閒人

次韻薩使君雜詠

闕

萬古情夜闌林竹墮遺笙寧知擊鐵高歌

闕

牀頭竹脚鐺

二

闕

楚尾望吳頭倦依秦淮賣酒樓清夜忽聞鴻雁

闕

呼明月伴人愁

題吳孟思八分書黃庭經後

無媚無邊王右軍黃庭未省博鵞羣綠陰清晝城南關
夢見文姬臨八分

舟過吳口

昨夜南風開夏關江邊野花香入船道上行人去如蟻
匆匆不解惜流年

題劉萬戶用中所藏馬圖

天殿駒駉馬有神牽來但有氣超羣龍駒川上春風關
蹴踏龍烏上紫雲

五峰集卷八

欽定四庫全書

五峰集卷九

元 李孝先 撰

七言古體

湖山八咏

沙頭酒店

陌頭楊柳金蟲落
雨過桃花香漠漠
沙頭小市類新豐
阿姬十五當壚罇
縷金半臂雙鴛鴦
翠杓銀罍喚客嘗

嘶殺門前五花馬羅敷有夫空斷腸

山頂樵居

隱者辟人如辟虎山上衣冠自中古
長老嬉遊類小兒
一生不識持門戶南山阿婆許嫁女
北山老翁自迎婦
野花竹葉並銀釵山下黃金賤如土

秋江漁火

八月九月風氣肅白波如山楚天綠
蒼蒼夜色入蘆花
船泊中流燃楚竹夜半起坐寒颼颼
遠見驚飛雙白鷗

鱸膾蓴羹入我夢扁舟去趁三吳秋

曉寺僧鐘

大星煌煌小星落城頭烏烏吹畫角機心暮夜伏不行
鐘鳴一聲羣動作市人射利坐待旦居人日晏呼不覺
嗟嗟居人未足多鐘兮鐘兮奈爾何

竹引流泉

山頭窪尊積冰雪銅瓶持歸療飢渴汝家阿母太憐君
斬竹來從虎豹羣傳聲夜落青雲濕坎中已作糟牀泣

回首碧山心獨苦行逐蛟龍作雲雨

木檐蔽日

綠氣濕濕闌干北赤鳥欲下嬌無力解衣磅礴忽倦卧
蒼鼠時行壞屋壁客子觸熱不自憐此豈有意清風前
屋頭夜色如霜雪却向溪南見明月

龜嶼迎潮

玄靈吐納日月光軒輊大海鼓其陽海枯石爛不得死
甲間綠髮如尺長昔年浴書薦神瑞攻車獨見收文章

天球河圖在東序豈久置汝南海旁

石亭避暑

南山石檻跨絕壑有飛輦者誰所作
女媧補天或見遺往往天陰構冰雹
天上大火伏不流南山草木含清秋
老夫衰年畏炎熱朝來忽念山中客

鑑湖雨

越角鑑湖三百曲雨餘曲曲添新綠
八月九月風已高詩人夜借漁船宿
漁翁城中沽酒來筐底白魚白勝玉

金少卿集卷之二十一
卷九
當時賀老狂復狂乞得鑑湖此生足

和叔夏寄童質夫

溪頭春水綠欲活溪上行人馬蹄滑溪山周匝空翠香
駐馬看山惜不發有客有客蒼髯眉蘭襟蕙帶光參差
手攜鯉魚壓清酒勸我且復留斯須道傍廢垣薜花裂
昔人富貴春雲滅此時不飲將奈何為君醉倒溪頭月
題青山白雲圖

江氣曩曩如蛟龍曉風吹老金芙蓉神女凌波洗雲去

莫為行雨陽臺東朝來白雲散白石小姑娘眉翠欲滴
老蛟化作白歲翁彭郎磯頭夜吹笛

秋曉角

青天蕩蕩吞孤月衆星熒熒明復滅城中雞鳴如蒼蠅
城頭畫角哀鳴裂八月九月風驚沙窮邊夜夜吹梅花
四方無事卧笳鼓行子何用思還家

賦絕照法師所畜硯屏山水

東風日暮吹蘭藥美人相思隔江水九疑青落九州外

白雲飛高明月死海邊八月客星來一尺銀河三萬里

墨梅

銀蟾呵春墨花碧香落江南濃欲滴孤山招得老逋魂
白鶴歸來楚雲黑王孫歲晚客京華衣上緇塵深一尺
小姬未嫁怨東風夜夜高樓吹鐵笛

山宮觀瀑

山宮寺前瀑布流直下千尺垂林丘山僧無燈靜欲死
夜氣如月空中浮黃河崑崙何壯哉鬼神牽挽天上來

先生藜杖來照影白髮千丈空崔巍

送楊明仲

江南老春濃壓酒神藍按綠營東柳風吹落花飛入城
行子思歸百回首越雨洗江鴨頭碧舟子牽船踏沙磧
蕤花香冷楚鷺鳴比戶琵琶呼礫礫夫君五夜夢封侯
城中狐腋高於丘泰山桂樹年年綠鳳凰踏玉聲啾啾
笋

雷公躡蛇夜鼓噪驚起龍孫觸旌纛炎沙燒之修尾脫

六丁控搏忽顛倒欲落不落虎豹皮錦裯嬰兒籠大帽
斧斤幸貸凌雲姿留以觀渠歲寒操

墨竹

蒼髯老翁鱗甲香力能拔山補青岡池邊日日吐雲雨
道人牀敷夜氣涼道人嗜睡莫勅勸阿翁勸爾以一觴
天邊石上有髯客看汝巉龍頭角長

寄友人

河邊老人念我出遠寄京華書一行為言白髮今多少

又報南園竹樹荒門外石田秔稻熟犢子新生子如鹿
莫戀官家有俸錢長年作客關如束

龍鼻水聽琴為劉芳在作

玉筍仙人鞭白犀天風吹度芙蓉溪手脫長劍洗妖血
驚起石上玄蛟啼炎沙燒尾鱗甲赤腹中慘淡蟠雲霓
頑鐵冶出太古色霜露欲結風淒淒老翁摩挲莫驚汝
置之膝上聽其語大聲伏雷鳴地中小聲颯颯吹風雨
阿香辛苦玉龍睡收霆捲電還元氣領底明珠忽迸落

紫髯玄甲卧不動真翁龜息深至踵大笑欠伸忽飛起
清月蕭蕭在秋水君為我起扣其角我亦長歌返其樸
却騎過海呼安期送君七尺珊瑚枝

覺此山和尚新住持雙峰作此贊歎之

雙峰矗天佛頭碧雙峰挿地滄海黑道人入山作化雨
藍玉亭邊深一尺光明白氎紅鬘衣說法香南連雪北
紫皇香案九重天日照麒麟生五色

和薩郎中秋日海棠韻

念奴彈折鷓鴣難索君王正在彤雲幙內官連夜豎花幡
苑中明日東風薄妖環生作傾城姿開元始承恩澤時
麒麟障泥紅叱撥七寶作鐙黃金羈金烏東來啄大屋
宮中猶報睡未足翠袖皆塗守宮血專房唯詔環兒獨
七月七日天無風玉蜍吐瀆羅瑜紅錦官進錦裏金鈿
紫蜀車八長生宮驪山瑤池行幸處秋風吹老珊瑚樹
九華遊魂歸不歸應憶仙人掌中露草木腥腐終無情

美人薄命如花輕古聞公桑祀神女安用絕色能傾城
馬嵬岡頭斷消息去時彩雲化為蜨莫歌玉環能浣人
君看黃菊真顏色

宿雁山下作瀑布詩寄徐仲禮

金臺刺天一萬丈湧出海底開青蓮下有三千六百地
軸相鉤聯壓遍東南地欲折白龍捲海飛上天雷公擊
鼓馮夷鞭龍簾入江化為石巨靈扶起太古色應真晏
坐天人來十八招提若幻出長風吹開天骨碧

張葵齋所藏江山風雨圖

元氣固蠢生蛟龍銀河倒挿金芙蓉九疑正在九州外
碧樹悄悄連丹楓上有萬古不死之明月下有掀天巨
浪之長風有客有客陸龜蒙往來江南成老翁天地無
窮屢回首放船去踏江上之青峰船頭十日懸青雨風
拔銀山映萬戶山隨沒鵲落中原水作巴蛇走金楚向
來英雄定黃土空遺綃素留今古天地一合如金甌萬
歲千秋奉明主

次三衢守馬昂書壘韻

主人歌且止聽我為爾歌作壘不厭小買書不厭多地
上小兒喜夸大睚眦生怒如牆蛙先生書壘止類巢不
樹長戟兼橫戈清淨如與聖賢遇高明屢煩神物呵却
笑飛仙十二城鬼功日夜長琢磨其南通丹穴其東蹴
女倭北引崆峒挹酒之長柄西收西漠專車之木禾嘯
歌聚族無不可被除安用索興儼羽衣伏妖踏白茅朱
鬢善幻言吐囉而我先生不語怪二氏羞伏面發酤我

壘何所有但聞詩作魔雕鏤奪天巧雅淡消衆疴我壘
何所有地窄安不頗惟有屈宋字文聲鏗然相戛摩我
壘何所有而蓄禮士羅羅致盡俊傑往往為么麼我壘
何所有而無白馬馱羣書汗牛馬不涉流沙河我壘何
所有而有太白力士靴著鞭見天子竟往金鑾坡我壘
何所有而有韓公紫玉珂通籍引金闕不愧國老皤先
生寧鈍不為銛寧方不為鉞竊聞先生骨已朽空教衆
語漫縷覲春秋訛字變亥豕宋楚方言作箕籬後來繼

者浸滅裂何其嬰齒相啗啖紛紜百鳥更啁唧安知清
廟連猗那勿言我壘狹不用草與蓑容膝志自足吾其
敢蹉跎問字函丈間吳快續四科勿言我壘小日月纔
一梭往來雲漢上飄忽若輕蛾組織成文章飛揚如女
蘿中心若止水水上元不波深如相公讀書屋大如堯
夫安樂窩可以扣我匣中之飛景可以理我袂上之雲
和絃歌以解吾心之蘊結彈鋏以解吾愁之誘囹如轆
而不輻如舟而不舵高如鶴鳴垤矗如蜂房渦又如仙

人宅初拔又如野處禮不苟又如橘中飲來去又如樹
間坐以賊如蓮移偃蹇如藻井馭娑又如探虎穴又如
封蟻柯客至足周旋高論如切磋坐以糴榆席酌以鸚
鵡螺佳兒引銀艾諸生避蓼莪開籠放白鶴臨池看白
鵝張具設鑪劑中廚營饌鐏綠腰唱崑崙蒼頭彈輦婆
屢歌明之君舉酒叫姮娥豐草露湛湛流水山我我人
生意氣足可惜奈此明月青天何昔者介推胡為乎自
焚于綿上屈平胡為乎自沈于汨羅何如先生日高官

事了登城照影清江沱日課作詩三百首翻憐筆更傳
寫訛丈夫作事要磊落布衣狐腋皆委佗海濱白首釣
鰲客清秋策杖相經過

送達蕙善典僉

江頭風多花暗天舟子擊鼓牽官船繡鞍大馬來如烟
學士翠鵬袍領妍袖中三尺軟玉鞭手揮送者日在山
隴西男子更致言東方民力願少寬達官擔橐橫索錢
先生歸到明主前上言赤子天哀憐仁人在位如解懸

大臣不讓卑夔賢天下畫一徽張絃未將俎鼎烹小鮮
如吾但願興力田眼見霖雨開豐年牆下飯牛薺花圓

次歐陽公效孟郊體用綠字韻題慶上人萬竿圖

白石如白羊起跪變化速芸芸籜龍雛身與雲俱綠嗟
哉兩神物曾不受迫逐我有囊中方因之試餐玉袖中
釣鼇手十年夢漁屋鳳凰干仞姿未省一枝足自我見
此君夜夜翻凍醪踏倒山中玉板師春風大笑成三宿
送周子善上金華教官

二月已暮江水深春風吹折行人心
山頭明月落未落
杜鵑夜半莫哀吟泊船上有青楓林

其二

三月欲來花繞陌又唱銅鞮送行客
男兒莫爾可憐生
男兒生身好顏色拔劍起舞難鳴柵

茅山謠送鄧上人

道人兩鬢青如蓮大醉上山捫青天
青天蕩蕩玉盤出
引手舉盤天上懸銀河傾倒桂樹影
長風吹香落丹井

地上小兒霑玉馥白兔急搗玄霜熟惛惛仙家十二樓
夜半起拂跋烏浴手招茅君叫列仙帶劍上立紅雲前
茅君騎虎上天去道人乞我明霞篇

五峰集卷九

欽定四庫全書

五峰集卷十

元 李孝光 撰

七言律

次存厚周先生曲肱亭韻

曲肱亭前花木深，紅塵宵受一毛侵。
息龜不動養夜氣，化蝶相忘伏午陰。
富貴浮雲天地醒，胸襟霽月聖賢心。
南風一枕負清夢，竹裏煎茶沃醉吟。

次國性菴韻送之入雁山

竹杖彭鏗響白雲山之南北水之瀕
玄猿白雁愁行客
紫氣青霓下應真藥老雲根幾萬本
山開石髓又千春
却還有客來相看已與先生隔一塵

和蔡石雲縣尉登西岑

西岑路滑不可上我此曾攜六尺藤
塔頂雲凝明似鶴
松根石老瘦于僧
玉簫冉冉飛春縣
畫舸耽耽颭夜燈
聞有丹霞舊門戶
欲叅大意喜誰升

寄王真人

天上初分玉笋班
鞭鸞笞鳳入名山
輕軒紫氣浮闕近
雄劍紅光照海殷
風露吹香台雁北
星辰含潤斗牛間
隨龍羽翼多雲雨
乞洗平生太樸顏

賀梅

水落山空百草乾
天宮玉女耐高寒
松根雲暖客吹笛
竹外月高誰倚門
歲晚王孫猶怨色
天寒公主欲歸魂
北風端是春消息
吹得雪多花更繁

送王元鳳

並遊英俊盡已貴夫子猶淹命世才老去勛名空汗竹
平生論議只鹽梅江南野水帆千幅稷下秋風酒一杯
鴻雁南歸江漢落卜君到日寄書回

天香閣

青腰神女跪焚香花雨繽紛七寶牀玉白雲英生藥氣
冰壺寒露漱天漿珠簾弄月秋先到青瑣含烟夜未央
為爾題詩向丹笈急驅白兔搗玄霜

宿攜李寺次韻三過堂石刻東坡所遺文老詩

雨花閣前雙桂樹小雲積翠宛重重西臨大野羣水走
南望連山隔海空想見勾吳爭霸主遂令攜李記前功
吾家正住瑤臺下看浴跋烏渤海東

二

城上烏啼犬吠村泊舟來打了菴門先生三過真彈指
狂客重來得共論坐定却呼諸子見酒行猶說丈人尊
君家好客多如雨一嘿何如發萬言

三

三過堂中舊遊客飛鴻踏雪已難尋錦襦何物關生死
玉帶誰言閱古今明月隨人寧有意白雲似我少無心
平生鄉曲維桑梓春酒無辭百罰深

胡節婦

同穴從君結髮時忍逢中路見孤嫠獨哀夫沒姑當養
不願人言婦有知名續乘車修烈女身傳手澤與佳兒
東鄰日暮歌黃鵠得似共姜誓死詩

送王憲使

繡衣龍節下霄漢
早晚即歸明主前
江海獨驚華髮在
風霜祇見菊花妍
行舟白鷺山山滿
落日汀雲樹樹懸
有客嗟然慚未至
當牕三歎理朱絃

泊舟姑蘇臺下

霸主吞雄事莽然
空遺陳跡向千年
天寒笛起孤城裏
日暮舟行積水邊
萬里飛鴻如識路
故園黃菊不勝妍
吳王臺沼連衰草
惟有西山出斷烟

冶城飛龍亭詩卷

翠蓋鸞旂殷繡牆南公揮涕話先皇鴻宮望氣成龍虎
法駕吹簫引鳳凰今日畫圖看御幄當時草木識天香
先生曾對明光殿奏報新松似鶴長

次黃蕙卿韻

黃自號服蘭

漢南五柳此班荆萬象森然闕欲明竹底孤香天地靜
石間紫茁雪霜盟紉歸璜佩離憂色譜列朱絃太古情
昨夜涼風連天末浩歌忽憶楚修名

次韻薛公三衢石橋

石橋風雨碧冥冥
天上神官隔九京
吐蜃斜連銀漢白
垂虹遙度翠雲平
偶隨木客來看奕
逢著仙人不問名
便擬提攜九節杖
爛柯山上訪先生

二

丹梯路絕倚玄冥
上帝高居在紫京
定有編書在黃石
欲將神怪卜君平
鶴歸日暮銜松子
人住山中識藥名
咎鳳鞭鸞在何處
遙應隔海叫期生

三

赤斧丹城跨紫冥上天官府玉為京雲含雌虎朝先見
雷挾黃虬路未平采藥老翁猶避世銜花幽鳥自呼名
若逢仙子休看奕乞授黃庭學養生

送青玄觀道士玉泉

淮南道士傳鴻寶眸子照人雙電光貫日白虹生玉氣
出山青髓射天漿去年踏雪尋丹井連日題詩滿畫廊
長憶青玄送客處柳花無數繞衣裳

送張生

工祝駿奔

闕

主在奉常最貴九卿卑前聞白士恭周禮

遂共清郎習漢儀騎覓孝廉驚估客屣迎逢掖矢羣兒
難兄天上司喉舌願試君家千里姿

玉林卷

天遶龍宮月月底鸞輶曾駐洛城西龍光午夜入牛斗
玉氣千歲生虹霓承恩已報紫旄節受詔屢入黃金闥
神媛仙官守桂樹東明碧縷自天題

送王僉憲

使者樓船鼓三疊猶見車前白鷺翻休嗔惜別把衣袂
他日與誰拈酒醪龍蛇未蟄江水壯鴻雁欲動秋風高
槐樹東頭讀書處更憶君家雙鳳毛

送仲亨文學精舍山長

子合談經上石渠更從文學住精廬到家為覓言偃宅
弛檐先藏笠澤書日落青天猶過雁雪消新水欲生魚
傳聞聖世求遺士倘召君來謁耆車

挽熊天慵先生

歸來白髮照江湖伊吕平生亦釣徒
八代文章惟子在百年禮樂要人扶
身騎箕尾神先見夢覺龍蛇歲已徂
幸自有書遺手澤鳳毛後日色敷腴

遊雙峰贈覺上人

茶具酒壺從兩童入山慎莫作匆匆
雪消新水鴨頭綠沙暖小桃猩血紅
吾意人生行樂耳只今杯酒與君同
依依藍玉亭前路他日重來憶遠公

和元澤見寄

平生豪氣欲消磨坐對長松盡日哦
功業向來芻狗耳丈夫政爾奈天何
眼看孺子分符竹耳厭鄉民怨老禾
忽遣新詩相料理天孫自有織雲梭

次韻送叔夏

陳生蓮萼出泥香張老調高含徵商
來日燕翻芹雨暖別時人趁稻風涼
闕頭二客嘲蘼杵乞巧諸郎具酒觴
日暮西風過鴻雁莫言無使問真長

為吳宗師題高年耆德門

秀眉鶴髮度期頤膝下兒孫錦作圍
賜酒金盤通藥氣
高門銀榜散春暉
天文清潤三辰正聖闕神明二老歸
萬古君家敦孝友垂魚玉帶出深衣

代送人

別離未是尋常事要見丈夫兒女情
太傅中年猶作惡
阿蒙三日即知名
北風鴻雁天籠野落日牛羊路遠城
我亦平生四方願先生未可辦歸耕

和王修竹時思菴韻

山公風流日遠矣還向山中問葛強補樹老雲晴亦雪
栖崖殘瀑夜何霜九原父母不可起百世子孫清德長
竹色蒼寒風雨夢只應魂魄尚思鄉

二

道人舊住雪菴旁瀑布穿雲千尺強虛室天光清似月
陰崖夜色白于霜移來怪石欺僧瘦種得新松共鶴長
石鼎煨茶歡客

闕

送劉起宗御史內除

身著綠衣依日月手分龍節藉光榮
喜聞主上收賢俊復見朝廷用老成
四海清風生玉樹九天甘露凍金莖
袖中自有補衮線要與天家建太平

登平山堂故址

今為司徒廟

蜀山有堂已改作騎馬出門西北行
日落牛羊散平楚風高鴻雁過三城
山河已失金湯固汗竹空遺帶礪盟
駱駝坡頭孔融墓令人憶爾淚縱橫

寘磁甌於硯池旁以蓄水十餘日前得桂花二枝
挿瓶中數日花葉皆萎落戊辰早乍聞香氣滿
室視之兩枝皆再作花葉亦鮮碧佛書云天風
吹萎花更雨新好者感之為賦詩云

六六畫欄生晚涼青鸞對舞渡銀潢十分天上山河

闕

萬斛人間雨露香珠佩風清生

闕

玉壺冰薄吐蟾光

白銀宮闕紅雲合金粟繽紛七寶牀

入三茅山夜宿白雲觀贈沈紫玄

山有神靈氣鬱然茅君騎虎蔚藍天自擔詩草看雲去
莫剪燈花聽雨眠白鶴空悲纍塚客青牛猶見渡關年
五峰雙澗連飛閣聞說留侯更學仙

寄玉虛劉尊師用趙涼公石亭韻

三見重瞳列紫庭還山更笑客居亭雲中雞唱飄金磬
木杪人行渡錦屏未語察微談補譙終憐宣室問先醒
石間泉水冷徹骨長照真翁鍊鶴形

二

玉池曾和白雲謠歸訪雲林洗鬱陶碧海生平超李契
香山歲晚說劉豪袖中龍泣翻青雨門外風高偃翠濤
勺水祇因人物在孤舟明月掣金鰲

用前韻寄張尊師

鴻雁南飛草木零放歌重上草玄亭坐深狂客俄吹帽
語久清童屢觸屏晏歲風多衣自短空山月出酒初醒
江南客子歸來得漂泊何須影問形

自信文章凌鮑謝兼聞詩律逼韋陶雲霞此日交何慊
湖海平生興太豪麴蘖肥吹怪雨松肪酒熟渺雲濤
世人未識能題鳳名刺何妨作釣濤

為范以善賦雲林清遠圖

九老紫都青鬱然神峰鼎脚上蜿蜒風高碧入金莖露
月出青回玉樹烟獨鶴飄飄渡滄海大鵬決起負青天
牕中夜看跋烏浴一笑吹笙引列仙

次吳宗師韻寄趙閒遠真士

天光水鏡忽同流，却憶吹笙駕玉虬。
雞下五更知旦氣，鶴歸千歲問天遊。
白雲為放神峰出，落月能兼河漢秋。
會見仙官陪紫府，却逢明主對青丘。

次張伯雨韻寄徐閒遠真士

好閒還尋幽子廬，習靜自與外人疎。
牛羊半下日夕後，鴻雁大來宿雨初。
黃菊未疎急釀酒，碧山可數聊停車。
眼中之人美無度，十日不見九寄書。

又次張尊師韻寄沈紫玄

學仙何曾拔宅去習靜誰能與世疎月下鶴雛隨母夜
屋頭梅樹欲花初天隨杞菊甘勝肉東里杖藜安當車
正欲與君同樂事不辭書後更題書

二

論交已與古俱妙為別寧嫌跡轉疎風雨登樓魚素裏
江湖行李雁聲初丈夫有志更彈鋏他日相逢會下車
清曉關題還建業歸來就月理殘書

登石頭城

登高悵望謝家墩千古風流酒一尊城郭已非空故國
英雄垂盡只遊魂天圍建業山形斷日落淮南海氣昏
未信浮雲能蔽日欲占北斗問乾坤

二

石頭遺堞滿蒼苔前日英雄安在哉芳草離離為誰綠
野花漠漠向人開鼎湖雲暗龍先去建業城荒鳳不來
二月江南梅未發北風日夜漲黃埃

金清叔為其友人某求夏梅岡挽詩

人說先生是漫塘風流儒雅未俱忘山林白髮空新氣
徑路黃花只舊香勝作唐詩傳衆口獨操周禮付諸行
杖藜若步佳城路應見梅花為斷腸

過關墓

何日先生起九原已將靈氣返山川論詩轉覺庾陶近
佐主終慚稷契賢拱木笙竽猶落日荒丘翁仲只寒烟
當時故物青山在說到英雄意惘然

鄱江寺擁翠樓

縹緲新居一握天好山將綠到樓前烟霏入閨清談塵
紫氣薰人濕坐氈未放白雲分榻住愛看青雨映簾懸
自憐華髮江南客也為登臨憶仲宣

元日陪趙相國家宴

紅光瑞氣起矇矓元日樽罍對上公轉午東風生渤海
指寅北斗直崆峒天垂紫蓋黃旗外人在瓊林玉樹中
喜觀承平新氣象三朝合侍大明宮

壽平章涼國公迂軒先生

黃髮虬髯社稷臣手扶七聖轉洪鈞
初迎年至收霖雨遂遣人間識鳳麟
紫府微聞珠佩集紅雲下覆袞衣晨
天令元老培皇祚玉女神官守大椿

送伯循御史天錫照磨至龍灣留別

西日杲杲馬蕭蕭君行不行手屢招
舟人夜語見月出客子別愁須酒澆
霜天欲雨鴻雁去秋風未落河漢搖
寄語揚州張仲舉月明何處問吹簫

謝轉運判官張公口號

新分金節來天上即見褰帷下日邊汗竹勲名優大節
鹽梅議論見名賢小人終畏王紘在使者無踰子駿先
亦有渡民要蘇息願將仁氣洗腥羶

同吳明之在靈峰作

人言萬壑爭流勝故作雨中藤一枝楓樹朝來青鼠出
竹根日暮白鷗飛要看雲起水窮處政在峰迴路轉時
莫道白鷗機事少只令野老亦忘機

次陳輔賢遊雁山韻

竹杖梭鞋去去賒一春紅到杜鵑花山椒雨暗蛇如樹
石屋春深燕作家老父行尋靈運宅道人喚喫趙州茶
明朝塵土芙蓉路猶憶山僧飯一麻

鶴

胎化有鳥今千年俛啄瑤枝飲醴泉縞帶長身通夜白
丹砂塗頂入秋圓山空蕙帳客初去月落竹房僧未眠
高氣出塵如玉雪長風萬里趁飛仙

題師魯菊逸卷

十年種菊東臯下為愛清香更不衰晚節未愁霜露迫
苦心終與歲寒期南陽身後成何事彭澤歸來祇自知
見說大官憂轉劇平生匡濟欲誰為

發舟錢塘

五年羈客留荆楚今日江頭把繡衣鴻雁欲飛天氣白
蛟龍畫蟄水妖微彈冠終坐王陽起敝褐何年季子歸
一舸南遊真勝事幽期未與故人違

次達公晚過釣臺韻

杳杳青楓江水暗
客星遺廟映江花
空聞使者來持節
猶有祠官裸聚沙
平日故人多禮數
終身高誼厭紛華
漢家九鼎如山重
霜露淒然在蒺藜

春暉堂

老翁種德百年強
眼見諸郎復育堂
日繞大椿初轉午
雪融萱草自生香
牕前鶴髮迎春好
庭下鳳毛隨日長
慈母殷勤手中線
他年願補舜衣裳

送吉希政赴諸暨同知

父書更遣讀龍藏門戶于今擁節旌青海神駒含駿骨
赤霄威鳳疊奇毛懸知貳守分符竹坐使豪民賣佩刀
錦纜牽船渡江去到州明月已應高

為陳師復賦喜白髮之什

畎畝平生足憂患愛將短髮照滄浪意憐得見從渠白
却笑緣愁祇自長秦羽終慚頭有幘馮唐未負老為郎
角中小製聊容世漫向春風舞欲狂

避風龍潭五日程即事

建業放舟下京口候風三老正高眠歌長且復忘羈旅
遊遠何如歸力田茅屋晨炊繫牛犢叢祠社祭落烏鳶
故鄉風物渾相似祇憶南溪踏釣船

冬至

造物何言播大鈞又迎南至嚮初晨天開黃道三辰正
日轉青雲萬象春姤復已知涵太極乾坤元自有深仁
相君設醴珠林館眼見梅花一笑新

送客

攜手出門倍惆悵北風吹樹丹楓林柵中雞鳴天地醒
城頭雁去江湖深行人萬里稀歸夢烈士向來多苦心
東西相望道路永一書可抵雙南金

送人還鄱陽

東西湖水百花洲行子歸時雪已收明月可能隨客去
浮雲自足使人愁重來柳樹應千尺相見梅花隔數州
我亦高歌望吾子春風好在仲宣樓

喜聞開經筵口號

封事如蠶照綠玉九關虎豹靜耽耽天垂赤縣神州外
地入黃旌紫蓋南明主飛龍當位五重臣賜燕拜恩三
喜聞經幄延黃髮致主唐虞政不慚

同薩使君飲鳳凰臺

鳳凰高飛橫四海錦袍猶賦鳳凰遊天隨沒鵲低淮樹
江學巴蛇入楚流勲業何如飲名酒衣冠未省望神州
天涯芳草萋萋綠王粲歸來更倚樓

次薩使君登石頭城

西州門外石頭寺共說英雄綠鬢凋王氣黃旗千歲盡
水聲廣樂六時朝白鼉裘壞埋珠柙玉燕釵飛墜藻甍
重到謝安攜妓處維舟寂寞聽春潮

送國侍者

離別還同箭離弦題詩修竹記他年蘆人楚語時相問
估客已歌也自傳遙望牽鴈上南斗正逢飛雁出青天
綿綿遠道勞歸夢忽見梅花意惘然

舟中上趙相國

錦衣繡纛向秦川有客將離獨黯然日食猶分丞相餅
傳呼自愧孝廉船春風候雁青天外暮雨行人積水邊
因過清湘問欵乃楚儂此曲至今傳

泊舟銅陵縣下

銅陵縣前風已急鷓首凌波破石陰日送飛鴻知北鄉
夜聞羌笛起南音地通三楚青山斷天入九江春水深
五穀敢忘今日貴相如自有白頭吟

正月十四日夜宿巢縣

旅食荆吳改歲年春風遠道思綿綿青山故遠周瑜墓
明月猶窺亞父泉楚縣城荒惟畫角灤湖日落有歸船
天涯芳草萋萋綠想見登樓憶仲宣

松風閣

上方碧氣隔塵寰絕頂巋然丈室寬風雨夜深珠佩語
江山秋淨玉笙寒老龍抱月髯猶碧獨鶴驚雲夢欲殘
會得無聲無住相曹溪有色上蘭干

送鄧縣尹

秋風吹女鬢成絲移病還家竟不疑官似伯強曾補處
身如元亮已歸時青山老去渾相識黃菊平生最受知
我亦相從上吳會夕陽騎馬看殘碑

題本覺寺空翠亭

琅玕千畝映江渚天籟沈沈欲下來已見鳳毛沾雨露
長疑龍氣挾風雷樹團車蓋春陰合月射金銀夜色開
中野白雲如白石不辭一日到千回

送郭子熙歸江西

我來錢塘住三月又識南昌郭子熙好古大類歐陽氏
作歌令無韓退之曾見魯宸援赤制還尋唐刻問苓芝
買船持女渡江去秦望禹穴故多奇

十六日宿蕪湖縣

蕪湖縣南泊船夜欲霜天色已蒼蒼雲山欲曙江流紫
洲渚初昏燒火黃自笑頭顱向華髮尚為羈旅適他鄉
東船西舫無人語可惜牕中明月光

喜雨

次神字韻錄
呈達兼善

繡衣持斧後猶新又為人間洗火塵符節歸巡九江郡
函香行禱獨山神沾塗宿夢回清潤採掇嘉蔬訝碧勻
天上于今待霖雨鳳池花柳不勝春

二

淨洗煩冤六合新清晨沙路絕囂塵泰山自古興雲雨
淫祀何勞問鬼神淝水急流舟欲起巢湖浮黛畫初勻
客遊却憶魚羹飯歸到江南及暮春

客孤山

孤山山中箭巖香孤山山頭月湯湯
桃雨洗除脂粉氣
柳風醞釀麴塵黃江山有待詩應老
天地無情客謾狂
行李蕭蕭明日發烏鹽角外轉淒涼

次韓希古觀燈韻

大城春夜氣曛燈火如霞翠欲空
牛女含星雙闕上
湘妃弄月五雲中
電燒魚尾蒸天紫
山湧鼉頭照海紅
北斗南頭有詩伯
九天珠玉吐春風

和張顏樂秋夜聞蛩

西風蟋蟀共悲涼
病木飄殘托腐腸
鄰媪秋來借燈火
行人夜語怨參商
啼殘紅葉催霜雨
吟傍黃花飲露香
商摧秋風與秋月
腹中那有許雌黃

二

候蟲礫礫語新涼
大耐平生鐵石腸
茅屋清秋動機杼
土階永夜答宮商
雲深過雁指鳴瑟
月黑飛螢度篆香
遮莫丁寧驚嬾婦
曉妝猶愛理花黃

和人遊雁山家字韻

北雁山中路詰曲夕陽木杪見人家
筍輿穿樹驚霜葉銅杖敲雲損土花
白雁秋高還蕩頂亂螢月黑出蒼牙
匆匆但得皮膚耳出外逢人莫謾誇

二

峽中鐘鼓十八寺山腹茅茨三兩家
雨後亂溪青似髮霜前病葉赤如花
懸崖萬仞塗猩血怪石千株錯犬牙
牢絆芒鞋行一月出山慎勿向人誇

入雁蕩山

興國年間路始開前朝碑墨見蒼苔雁橫蕩月驚寒到
僧踏湫雲看瀑來一嶺纔教靈運識萬松都是了翁栽
此行曾與秋風約說與山猿不用猜

予早作堂南戶二蚊止余足聽厭其欲而驅之其
一颺去其一伏而不飛蓋貪而不知止者遂撲
之因託以詩而警夫貪墨者

利口端能作禍樞來從下土即紛拏飽思颺去僅免死
貪不知休或殞軀去楚原非愛醴酒假齊終必化梟菹

二蟲得失寔勿論門戶碧山如畫圖

牡丹

富貴風流拔等倫
百花低首拜芳塵
畫欄繡幄圍紅玉
雲錦霞裳踏翠裀
天上有香能蓋世
國中無色可爲隣
名花也自難培植
合費天公萬斛春

題雁圖

蒲葦冥冥秋正疎
江山渺渺更愁予
颼風吹影橫青女
落月收聲望白榆
夢寐平生繒繳遠
頭顱萬里稻粱初

前身定是曲屬國曾見卑栖雪滿鬚

與郝萬戶

貂蟬奕葉舊衣冠玉雪精神鳳羽翰
騏驥已聞開道路衣裘自可護風寒
平生翰墨殊相識老大功名轉耐看
燈火新涼評麗句城頭北斗又闌干

道適句章艤舟曹江入謁曹娥墳廟

仰天誓下殺蛟魅敢擬濤江得父回
從古生民皆有死獨聞孝女自興哀
巫言先見清風起神降惟同夜月來

遺塚斷碑秋雨裏枉教黃絹忌雄才

為栖霞道士陳玄儕賦蟾宮

爬沙緣上青霄裏歲久神靈故解飛憶與嫦娥來月地
即同顧兔款天扉清光忽射樓臺白夜色能留霜雪輝
牕外梅花臨鏡發却疑道士羽為衣

吳文靜晚香齋

綠陰紫茁已森森直待秋風滿地金烈士總知存晚節
可人終不負芳心肅辰霜露那能酷正色馨香不少侵

元亮平生多勁氣暮年華髮遂幽尋

岳王祠

人臣功高逢忌嫉令終美殞古來稀山東義士向天哭
海外將軍被詔歸奏入國家無吉語獄成廊廟定危機
嗚呼信史為君諱自壞長城可嘆唏

松風閣

謖謖長松作人語開門出聽又千回海潮欲上寒江動
瓦屋微鳴小雨來不用吹笙隨燕婉如聆廣樂上蓬萊

往年曾向三茅聽餉我丹砂滿玉杯

送人遊天台

此去蘭亭修禊後平明驅馬試征衣
海邊山盡天無盡花底春歸人未歸
一浦潮生魚入市千山月上鶴投扉
舊遊二十年前路辜負東風賦采薇

三益堂芙蓉

三十六陂烟水碧紅綰羈客著雕闌
守宮血暖娥池曉翡翠巢香玉井寒
風急周郎揮白羽日高毛遂拂銅盤

絕憐月落無人見，颯爽英姿大耐看。

冬日見桂花

北風吹倒碧琅玕，金粟栖枝露未乾。
翠氣遙連仙掌曉，天香微墮玉壺寒。
明蟾照影臨丹闕，青女銷香著畫欄。
可是天翁露消息，小春先得一枝看。

訪王君濟

好溪沙渚更停橈，來訪仙人王子喬。
稚子候門如有喜，故人索酒不須招。
門含古樹春先到，簾映青山雪未消。

老子紅顏如昔日只添白髮不相饒

寄周別峰

雨灑高城柳散絲扁舟長憶送君時
前時書去惟憑客今日詩成欲語誰
修竹娟娟當石淨歸雲故故入山遲
平生不解求人識慚愧黃金鑄子期

咏棋

國手功名滿世間幾多奇思上眉端
人心險處千機變局面危時一著安
陣入烏江迷項羽勢窮赤壁走曹瞞

近來黑白無分曉
輸與樵翁冷眼看

七月十四夜宿東縣明日登山亭

海上歸來訪舊遊
草堂開宴醉新秋
金花木落魚初鱸
玉液香浮酒旋篘
展席涼風依綠樹
振衣斜日濯清流
五年不見孫郎面
一笑相看總白頭

二

高人清隱住衡茅
倦客過從話舊交
露下碧梧啼絡緯
霜凋黃葉挂蟪蛄
藥瓢或見臨川洗
茶臼頗聞隔竹敲

窮愛夜涼連榻坐共看明月學吹匏

送趙岐山

飢馬蕭蕭靜不譁大城落日聽清笳北風吹黑貂裘領
明月磨青寶劒花論定男兒能報國古來烈士不思家
酒闌笑脫吳鉤贈遠道相依當輔車

戲東王季行

才子勞心治墨壯風流文采足飛揚蒲萄釀酒澆鸚鵡
桐葉題詩咏鳳凰春滿畫闌花欲語月臨華屋竹生香

高堂想像馬能賦
翹首西風引興長

送蔡縣正

齊唱驪駒白玉珂
使君千騎擁鳴笳
鹽梅霖雨真吾事
劍履星辰舊世家
天碧玉笙寒裂竹
江清畫鷁暖圍花
九重香案紅雲曉
日曠麒麟卧紫霞

送余同知

冠蓋風流二百春
太平盛事復還真
山林杖履何妨樂
丘壑經綸未苦貧
丞相座間驚小友
文公席上著元賓

閒中日月清如許政恐功名解逼人

二

樓船欲動鼓三疊玉節霓旌降素濤丞相何須將更至
大夫寧敢怨賢勞蟾蜍出海城郭曙鴻雁順風河漢高
孺子自與使君約他年竹馬候江皋

答台州中山

兩鬢星星白髮翁板援如與上天同山藏白鶴暮烟紫
石枕金雞落葉紅地載樓臺歸足下天垂星斗落胸中

詩狂欲把塔為筆倒蘸長江寫碧空

至九眼陡門

飛梁壓水接通津潮落蒼崖見蘚痕
山色凌空孤鳳舞水聲觸石萬牛奔
風扶酒旆搖亭宇雲趁征帆出海門
人物盡隨時節換獨留鷗鶴伴江村

題梅仲蕃深淨亭

來看紫鳳啄琅玕

闕

菜蕪花午影圓渭水有雲香不斷

華峰見月骨應仙猶聞龍化驚投策
會報龜來迎釣船

全宋詩卷之二十一
卷十
近日鶴雛能送客，獨留被髮看青天。

送友人金陵漕運

金陵從古帝王州，漕運君今事勝遊。
丹鳳有臺春樹老，烏衣無國夕陽收。
潮聲挾雨翻蛟室，山氣浮空結蜃樓。
白髮高堂日相待，早回蘭橈莫淹留。

讀陶隱居九錫文錄呈趙虛一真士

獨鶴能空雞鶩羣，仙階還許世人聞。
題詩未倚李太白，學道願逢茅長君。
白鹿隨車繞山木，丹沙入鼎染溪雲。

先生少留亦不惡共讀華陽九錫文

次潘尊師韻

潘名雅言嘗住大茅峰下後住白雲觀今年七十六詩為王季玉忌日作王名景溫季玉其字也始樹白雲崇福觀每十二月十二日祠祭忌日神君控鶴下冲融看浴跋烏碧海中山去空遺三尺劍道成更住一拳宮金丹授訣君應熟修竹題詩我未工忌日諸孫起祠祭令人百世想玄風

十三夜聽吳道士吹簫

梓潼道士目方瞳酒醒吹簫月影中赤岬銀河有闕氣

千年萬壑自松風沄沄綠水初生夜蕩蕩青天直下籠

白鶴歸時應有闕神君儼候錦城東

過山寺

隔溪茅屋半開扉綠護晴林盡打圍野鹿飲泉山影動
幽禽出樹岬花飛百年往事回頭換一路斜陽送客歸
要識上方何處是鐘聲隱隱隔烟霏

雨後村行

雨過沙頭落漲痕滿林紅葉自紛紛
水平路面高低見風約溪聲斷續聞
老屋無橋橫獨木滄洲有雁起寒雲
殘蘆頭頂花如雪莫是吟人鬢上分

二

澤國秋深景物非西風獵獵又吹衣
路行落葉離人去山破寒烟獨鳥飛
潮信到灘推月上隣家停火候船歸
村醪香軟鱸魚美自笑吟邊貌不肥

苦竹村

藍輿軋軋路高低苦竹村南古峴西
草舍纍茅留客飯
麥田焚棘斷人蹊
花梢春意闕禽語石磴霜痕印虎蹄
心自愛閒身尚役好山何處是真栖

十里

官河十里數家莊石埭門前繫野航
梅月逢庚江雨歇
稻花迎午水風涼
橋橫自界村南北候斷誰知里短長
倦矣野塘行瘦馬雲山杳杳復蒼蒼

秋晚別業偶成

平原渺渺路西東，荳葉纔黃柿半紅。
獺下江潭塘水涸，鼠歸牆屋野田空。
燒烟不斷經秋旱，草路無多徹夜風。
行過小橋人住處，短籬清曉護畦菘。

為學古澹藏主題，安慶金君美秀野。
次潘仲舉韻，戶外黃塵滿地流。
亭邊山色轉幽幽，牛無令鬪殘吾竹。
客與俱來上某丘，池上小風花樹午。
夜深疎雨橋林秋，老翁獨樂寧非計。
正使先生憶釣遊。

遷新居與表弟徐元澤對牀卧夜半風雨作推枕
賦此復就枕夢縛秦檜既寐再和前韻呈元澤
此身畎畝亦何憂出處男兒要熟籌風雨對牀弟兄夢
山林築室子孫謀酒無著處紅生面老欲來時白上頭
長怪平生王景略只將捫虱取封侯

二

鐘鼎山林不損憂為君借箸席前籌身前恐是岳鵬舉
生子要如孫仲謀那用功名懸口角不緣憂樂改眉頭

栽花種竹溪南宅擬比人間萬戶侯

泊舟姑蘇臺下

望遠升高意慨慷姑蘇臺下水泱泱重湖日落波浪紫
大野風多草木黃臺榭當時藏妓女霸圖無乃失金湯
猶憐壯士收金楚却悞君王舞袖長

送客

日日秦淮送客船江中八月雨如烟道逢鴻雁東南去
眼見蟾蜍四五圓美酒相看不成醉黃花別後為誰妍

韶裏已散秋風起我正思歸種石田

題宗師吳閒閒詩卷

簇仗神官踏綠烟玕珎華靜白麟眠夢騎黃鵠飛遶日
手弄紫雲行補天歌咏太平追雅頌扶持聖主屬神仙
宮中應受長生訣珠笈瓊章映御筵

聞詔赦因次王繼學大參聽詔韻

陛下聰明世武間尚方賜劒斬三姦樽開白獸千官入
詔下金雞萬國歡宗袞會聞朝日馭神駒自合在天閑

觀書一夜思賢佐廊廟于今即詔還

其二

書闕鳳詔下初聞聖主應思奕世勲抗直甚知楊震論
持盈不愧老聃云山寒白石羊羣起城轉雙江燕尾分
定有新詩薦賓客買絲願繡信陵君

送伏回川長老遊京師

京師自昔精藍盛西域仍傳象教新天上香爐朝佛祖
雲中星宿號仙人瑤階乍識九苞鳳金地長逢五色麟

東土高僧妙說法歸時更禮老能仁

用羣字韻寄伯雨尊師

使軺草草索離羣南北東西不更聞別去廿年如夢寐
山頭一日忽逢君蓬萊閣裏呼明月撫掌東邊洗白雲
詩律老蒼無可說祇須出酒覓論文

謝劉尊師雲江先生三用羣字韻

神官青女動成羣宮殿香多下界聞絳節珠幢引仙子
千秋萬歲上明君天垂白獸開金甕日炙麒麟卧紫雲

寶劍玉符生五色自將拂拭認龍文

登鶴情超遼臺

崇禧宮北水二源鶴情亭前雲一垣
烏鳥啄林動落日黃菊辟霜當石根
自憐高坐看修竹翻畏歸時遭閉門
下到南宮見月出忽憶誰家老瓦盆

商山四皓圖

帝憂母主重廢嫡人料子房宜與謀
盟詎不虞高后却早辭翻為建成籌
腹心已去悲歌起羽翼雖成女禍留

俱墮術中曾不寤先生輕出後人羞

徐尊師壽父母詩卷

天公不妄與人齡眉壽原從種德生翁媪真酬偕老願
子孫亦有養親名萱茅含土春暉暮椿樹生香鶴髮清
何日奉卮看盛事丈人百歲住青城

自壽

小耳長髯高兩顴自持青鏡照神仙夢騎黃鶴飛繞日
手弄紫雲行補天幸自讀書逢聖世喜聞闕起遺賢

平生儒術須君試更看渠能晚節全

次張伯雨韻

佳士望見知耐久俗子定交心已疎中林有客賦招隱
後日何人問遂初達官不入禰衡刺逸史曾給陳農車
我見彌明太玩世自言不解人間書

題崇禧宮道士蘇仲簡梅石自號卷

句曲二奇在肺腑九老嚙嗽飛藥漿貞女玉貌臨臺迥
丹氣青泥出戶香先生願試調鼎手神人自有補天方

春風吹碧琅玕子為爾題詩向石牀

題奉馮秦卿索榻

將軍結髮事俎豆却領貔貅節鼓聲試劍未妨騎惡馬
讀書頗復聽靈雞即逢佳士為下榻自督兒曹學灌畦
投夜買魚為酒事懸知二客醉如泥

和范文正公遊茅山有作韻

著書寂寞舊相如也愛名山亦駐車丹氣忽騰山木上
異松畫出雪霜餘致君堯舜寧無術願學神仙自有書

念我功成拂衣去却從句曲卜吾居

次疎齋公書句曲唐侯韻

盡說唐侯濟世才一車還過句容來池塘水滿曾看影
花柳春深定手栽賓客能言為縣日兒孫曾築讀書臺
于公種德天公笑大馬高車祇自猜

癸酉元日

造物無私播大鈞江雲不動養麒麟青陽發歲春風令
黃道經天日馭新仰見瑞圖開至理元知宰相有深仁

錦囊自有河清頌去上金鑾獻聖人

春雪寄薩使君

江東精舍好修竹翻憶吾廬近北林急雪未須愁見現
白日自足懷羣陰烏鵲飛來三繞夜老驥平生千里心
張燈送客出門去城頭畫角聞哀吟

次鄭以吾清明韻

衢州城下清江好一舸因君作重尋早日頭顱能種種
春風門巷自深深窮魚得賴升斗活老驥終悲千里心

我別先生知更苦出門搔首望飛岑

二

北闕關曾上河汾策寂寞空垂後世名漂泊鄭虔祇老去
佯狂李白似平生衰翁猶是人麟鳳佳士能為世重輕
我送君歸吾亦去欲依僧寺聽江聲

送朱希顏

煖入舊年晴雪消聞君昨日買輕舸祇憐老母思驥子
還喜諸公識鳳毛何日重逢曲阿酒他年會聽鬱輪袍

金史四庫全書
卷十
吳姬莫唱花滿店雨後秦淮春水高

送古淡上人用張仲舉韻

夜聞石鼎車聲苦夢繞揚瀾浪蹴天狂客還尋破齏錄
清童解答野狐禪水來巴蜀如衣帶雲斷中峰見岳蓮
恨殺秦淮舊歲月向人離別照年年

送許參議上官中書

企想才名二十年遽陪清宴賦登臨蒼生正藉經綸手
烈士盡知匡濟心已覺東風蘇萬壑未愁白日作輕陰

官船擊鼓催官發一夜秦淮春水深

次王彥謙韻

昇州逆旅竟何物寧識人間有子房東野暮年只說劍
臨邛當日亦求鳳魚生春水桃初雨雉沒高原草欲香
寄語歸來雙燕子烏衣巷口又斜陽

次薛公信安太守韻

江山好在足淹留莫上新亭對楚囚赤制文章騷史籀
丹書功過掩春秋論心且復歌明月知己何勞怨白頭

我亦江南未歸客夜來獨倚仲宣樓

二

五馬何為嘆淹留春風夏雨洗闕因飛花寂寂轉亭午

衆綠含含向麥秋衡鑒自因居省眼竹符六合闕雷頭
行天明月三萬里後夜相思更倚樓

副提舉陳衆仲乘傳如臨川為江浙行中書請起

學士虞伯生校文賦詩送

平生識公殊恨晚曾見雄才九鼎扛向驚使星入吳楚

遂駕官舸行浙江玉為龍節指南斗山似蛇牙盤碧牕
聞汝去訪青城老安得化為黃鶴雙

聞得孫

曾占吉繇非熊羆喜氣俄闕尺紙馳為報生孫留綠鬢
頗慚為祖鐫霜髭俊聲莫作三珠樹佳夢先驚五彩旗
願我得齡踰八十眼看文字屬雄兒

送昭功判官保時中

材賢宜置鳳凰曹將相東行擁節旄使者當時聞進熟

侍臣豈敢賦賢勞
河渠冰赤魴鱖困
江漢風多鴻雁高
春事即乘輅待發
願陳計畫補鈞陶



五峰集卷十